

GKMB ta informa di situacion na Noord

Dienst Gele Koorts Musket Bestrijding (GKMB) kier a pone pueblo di Aruba na altura cu na luna di mei a finalisa e inspeccion di tur cas den region di Noord pa cu 2015, cual ta consisti di 7 zona.


Aruba ta comparti den un total di 8 region. Cada region atrobe ta comparti den entre 5 pa 9 zona, dependiendo riba e grandura. Esakinan ta forma parti di e inspeccionnan di rutina pa conscientisa pueblo y elimina criadero di e sangura *Aedes aegypti* cual por transmiti Dengue, Chikungunya y Keintura Geel (Gele Koorts). Cu e inspeccionnan aki e cifranan real (index) ta wordo presenta encunto e cantidad di criaderonan riba nos isla. E indexnan aki, cual ta Cas, Container y Breteau Index ta wordo uza mundialmente pa monitor e cantidad di larvanan di e sangura *Aedes aegypti* y ta un herment hopi importante pa GKMB y sigur Aruba por actua na tempo.

Den e area di Noord a bishita un total di 7820 cas. Lastimamente mas cu mita, 3904 pa ser exacto ta e casnan cu tabata cera. E total di 7820 casnan cu a wordo bishita den transcurso di tres luna ta representa mas o menos un 25% di tur e casnan pa bishita durante e

aña aki.

Aki ta sigui e resultado di e cantidad di criadero positivo haya den Noord di e sanguranan *Aedes aegypti* y *Culex pipiens* cual ta e sangura di pos cu por transmiti diferente malesanan. E siguiente figura (1) ta ilustra e cantidad di criadero cu a wordo haya den cada zona.

Figura 1: Cantidad di Criadero pa Zona



Por mira cu dentur zona tin hopi criadero di e sangura cu por transmiti dengue. Nos por wak cu zona 6 y 7 tabatin mas criadero activo di *Aedes aegypti* y tambe ta e zona cu tabatin mas criadero potencial (3747 y 3185). Den Noord a haya un total di 14.441 deposito (container) cual por ta criadero di e san-


gura *Aedes aegypti*, di cual e inspectornan di GKMB a trata 14359. Pa menciona algun area unda a haya mas criadero ta Catiri y Bubali. Na Noord a haya un total di 142 criadero activo di e sangura *Aedes aegypti* cual ta 30 menos cu aña 2014. Ta importante pa menciona cu e casnan cu no a haya habri ta consehabel pa e doño di cas controla rond di su cas, busca y elimina criadero di sangura. Por uza e

si un variedad di otro arbovirus di cual te cu aworaki no tin caso registra riba nos isla. Pa e motibo aki, inspectornan di GKMB semper ta conseha doño di cas pa cera nan pos di cas corectamente y tene e sanguranan di *Culex* na un minimo.

Ademas e sangura aki ta uno cu ta causa hopi molester den bario y si no tene e posnan corectamente cera lo por yega asina leu cu Departamento di Salud Publico por duna un boet na e doño di cas.

E siguiente figura (1) ta ilustra e criaderonan di *Aedes aegypti* cu a ser haya den region di Noord.

Figura 2: Criaderonan di Aedes aegypti na Noord 2015



Bari y hemchi cu awa ta e criaderonan mas comun y tambe florero den cas.

Region dos, cual ta Oranjestad Oost, Paradera y Santa Cruz ta unda e inspeccionnan ta tumando luga den e dianan aki. Na su debido tempo lo informa e resultado di e inspeccionnan aki tambe na pueblo di Aruba.

GKMB ta informa cu lo tin accion di control, diadomingo awor den e bario di Noord den cooperacion cu e proyecto di Milieustraat di Serlimar. GKMB ta conseha tur habitante di Noord pa haci uzo di e oportunidad aki pa asina elimina obhetonan cu por contene awa y tambe bira criadero di sangura durante yobida. Pa mas informacion por tuma contacto cu GKMB na tel: 585-3325. □

foyeto cu GKMB a laga atras of pidi ayudo di GKMB. GKMB kier informa cu frecuentemente nan ta haya criadero di e sangura *Culex*. E sangura ta procedente di posnan cu no ta bon tapa of cu ta completamente habri. E sangura *Culex* no por transmiti Dengue, Chikungunya ni tampoco Gele Koorts, pero